

Te Toi Ataata Te Kaupae 1

Te Tautuhinga Aromatawai ā-Waho 2026



Te Paerewa Paetae	92086
Te Ingoa o te Paerewa Paetae	Te whakamahi i ngā āhuatanga toi ataata kia puta ai he mahinga toi
Ngā whiwhinga	E 4
Te Marau	Te Marautanga o Aotearoa: Toi Ataata
Te Wāhanga Ako	Te Tukutuku Ako
Te Tukanga Aromatawai ā-Waho	He Kete Manarua
Ngā Momo Tāpaetanga ā-Matahiko	He konae tuhituhi - .PDF (5-20 whārangi) He kiriata - .mp4 mov (<5GB)
Te Rā Tuku Aromatawai ā-Waho	Hei te 28 o Oketopa 2026
Te Roanga o te Aromatawai ā-Waho	90 meneti
Ngā Wātaka Aromatawai ā-Waho	<ol style="list-style-type: none"> Ngā Rā Aromatawai 2026 2026 Examination Timetable

Te Whakatakotoranga Aromatawai ā-waho

Ka aromataihia tētahi mahinga toi ataata nā te ākongā anō i waihanga, waihoki ko tā te ākongā i whakamahi ai, ko tā te ākongā i whakahono ai i ngā āhuatanga toi ataata ki te kaupapa o te mahinga toi ataata.

Ka whakatakoto te ākongā i tētahi kōpaki toi ataata ā-matihiko o ngā mahi whakarite me ngā tukanga hoki, hei whakaputa i tētahi mahinga toi ataata motuhake. Ka whakaatuhia ngā momo āhuatanga toi ataata pēnei i ngā huānga, tūnga, pūkenga, me ētahi atu mahi whakarite ā te ākongā.

Anei ētahi tauira mahinga toi ataata e whai ake nei:

- He mahinga peita (he papa kōwhaiwhai, he peita waitara, he peita tūturu, he peita tāngata).
- He mahinga whakairo (he wahaika, he patu, he taonga whakatairanga).
- He mahinga raranga (he kete, he taonga whatu/tāniko).
- He mahinga kiriata/he whakaahua.
- He mahinga tārai (he taonga puoro, he whakakai, he mahinga toi, he mahinga uku).

Kāore e aromatawaihia tētahi rātaka, ētahi whakamārama rānei heoi, ki te tuku mai te ākonga i ētahi whakamārama hei tautoko i te kaupapa o te mahi ko te painga atu tērā.

Ka whakaemi te ākonga i ngā mahi katoa, ka whakaraupapa ai hei taunakitanga mō te Kete Manarua nei:

- He whakaaturanga, he kiriata rānei o te mahinga toi ataata nā te ākonga i waihanga.
- He whakamārama hei tautoko i te kaupapa o te mahinga toi ata - he kōrero whakamārama rānei (ka tāpirihia ki te whakaaturanga, kiriata rānei), he tuhinga whakamārama rānei (ka tāpirihia hei PDF, ka tuku kotahi mai me te whakaaturanga, kiriata rānei).

Ka whakaaturia ngā mahi mā ngā ata e toru.

1. Kei te ata tuatahi, ko te tau ākonga ā-motu (NSN) a te ākonga.
2. Kei te ata tuarua, ko te whakaaturanga, ko te kiriata rānei o te mahinga toi ataata a te ākonga.
3. Kei te ata tuatoru ko tētahi tauākī whakamārama ā-reo arataki, ā-tuhinga whakarāpopoto rānei.

Tēnā tirohia te Kete Manarua i te paetukutuku nei - [He Kete Manarua](#).

E whakaatu ana te Kete Manarua i t/ētahi tauira hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia te/ngā tauira nei, ka whakamahia rānei he mahi whakaharatau, ka whakaritea rānei he Tūmahi Aromatawai anō hei whai mā te ākonga.

Ngā Herenga Aromatawai ā-waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai ā-waho. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
 - ⇒ he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - ⇒ ngā pukapuka i whakaputaina;
 - ⇒ ngā pukapuka kāore anō i whakaputaina;
 - ⇒ ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a MyNZQA](#).

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a assessment.service.centre@nzqa.govt.nz,
- waeahia rānei te NZQA Contact Centre i te 0800 687 296.